

Evening Gojri News 27 June 2024 at 1700 Hrs

- *1- صدر جمہوریہ درویدی مُرمو نے اج پا رلیمنٹ مانہ لوک سبھا تے راجیہ سبھا غا سانجھا اجلاس سنگ خطاب کیو ہے۔
- *2 شمالیفوج غا کمانڈر لیفٹنٹ جنرل ایم سچندرا کمار نے علاقہ مانہ فوجیاں غی کا روانی تیاریاں غو جائزولین واسطے ضلع اڈھم پور مانہ بکھ بکھ مقامات غو دورو لایو۔
- *3-29 جون تیں شروع ہو رہی امرناتھ یا ترا گا سلسلہ مانہ یا تریاں گو پہلو جتھو کل جموں تیں کشمیر واسطے روانہ وے گو۔
- *4- تے رواں سال 26 جون تک شری ماتا ویشنو دیوی شرائین ور 50 لکھ تیں متا یا تریاں نے درشن کیا ہیں۔

خبران غی تفصیل نال پہلاں محمد مبارک ماہر۔

President Address

صدر جمہوریہ درویدی مُرمو نے اج قومی جمہوری اتحاد غی طرفوں تیجی واری سرکار بنان تیں بعد پا رلیمان غا دوہاں ایواناں غا سانجھا اجلاس سنگ اپنو پہلو صدارتی خطاب کیو۔ اپنا خطاب غے دوران صدر جمہوریہ نے نو منتخب اراکین پا رلیمان مانہ مبارکباد دتی تے نال بی سرکار غیکئی اہم کامیابیاں اور ابداف ور لو کہلی۔ اس موقع ور صدر جمہوریہ نے مشاہدو کرتاں واں کہیو کہ حالیہ انتخابات نے ریکارڈ توڑ غے عالمی سطح غی توجو حاصل کی ہے۔ جموں کشمیر بارے انتخابات غا حوالہ سنگ گل کرتاں واں صدر جمہوریہ نے کہیو کہ جموں کشمیر مانہ بڑا پیمانہ ور انتخابات مانہ شمولیت دیکھن نانہ لہی۔ اور اس نانہ بھارت غا مخالفان غے خلاف سخت رد عمل غا طور ور بیان کیو۔ انہاں نے نشاندہی کی کہ پچھلی 4 دہائیاں تیں علاقہ مانہ بند کال تے بڑتالاں غی وجہ تیں انتخابی عمل مانہ حصے داری کہٹ رہی تھی جس نانہ ملک دشمن طاقت عالمی سطح ور پروپگنڈہ گا طور ور استعمال کر تا رہیا۔ ور حالیہ انتخابات مانہ ان بیانات غی کوئی وقت نہیں رہی۔ معاشی پیش رفت غا سلسلہ مانہ صدر جمہوریہ نے کہیو کہ وبائی امراض تے عالمی تنازعات جیسی للکاراں غے باوجود پچھلا 10 بہراں مانہ بھارت نے معیشت مانہ 11 واں تیں 5 ووں مقام حاصل کیو ہے۔ انہاں نے سرکار غا بھارت نانہ تیجی سب تیں بڑی معیشت بنان غا عزم غو اظہار کیو۔ آئندہ عام میزانیہ بارے ذکر کرتاں واں صدر جمہوریہ نے کہیو کہ نوی سرکار آن آلا پا رلیمان اجلاس مانہ اپنو پہلو عام میزانیو پیش کرے گی۔ جس غو مقصد سرکار غی دور رس پالیسیاں مستقبل بارے نظریہ تے اصلاحات مانہ تیزی لیاں غا عزم غی عکاسی کرن آلی اک جامع دستاویز ہے۔ ترقیاتی اقدامات مانہ دیہی رابطاں ور لو کہلتاں واں صدر موصوفہ نے پر دھان منتری گرامین سڑک یوجنا غے تحت 3 لکھ 80 ہزار کلو میٹر دیہی سڑکاں غی تعمیر با رے دسیو۔ اُن نے دسیو کہ اس تعمیر غو مقصد گرائیاں نانہ جوڑن غے نال نال اس گل نانہ یقینی بناتو ہے کہ کوئی بندو سرکار غی اسکیمیاں تیں فاندو چاہن تیں پچھے نہ رہ سکے۔ شمال مشرقی علاقان غی ترقی بارے صدر جمہوریہ نے اس غی نشاندہی کی کہ سرکار شمال مشرقی خطہ مانہ چرکاں پر امن بارے کم کر رہی ہے اور اس نے پچھلی اک دہائی غے دوران علاقہ مانہ مچ سارا دیرانہ مسنلاں نانہ حل وی کیو ہے۔ حفاظتی تے قانونی اصلاحات افسیا غی منسوخی بارے گل کرتاں واں صدر جمہوریہ نے ان علاقان مانہ مسلح افواج غا خصوصی اختیارات ایکٹ غی مرحلہ وار تنسیخ غو اعلان کیو۔ جنہاں نے بد امنی کہٹ کرن مانہ نمایاں پیشرفت ظاہر کی ہے۔ امتحانات مانہ بے ضابطگیاں بارے اُن نے یقین دوايو کہ سرکار پیپر لیک اور دوجی امتحانی بے ضابطگیاں مانہ ملوث افراد نانہ سزا دین واسطے پُر عزم ہے۔ اور اس سلسلہ مانہ ایسا واقعات نانہ موثر طریقہ سنگ روکن خاطر اک قانون تشکیل دتو گیو ہے۔ صدر جمہوریہ غا خطاب تیں بعد پا رلیمان غا دوہاں ایواناں مانہ شکر یہ غی تحریک پیش کی گئی۔ جس ور اراکین نے بحث کی۔ واضع رہے کہ 18 ویں لوک سبھا غو پہلو اجلاس سومواریں شروع ہو وٹھو اور راجیہ سبھا غو اجلاس اج شروع ہووے۔ صدر جمہوریہ نے حالیہ انتخابات مانہ متی گنتری مانہ خواتین غی شرکت ور وی لو کہلی۔

Army Com Visit

بھارتی فوج غی شمالی کمان غا لیفٹنٹ جنرل ایم وی سچندرا کمار نے خطہ مانہ فوجیاں غی کا روانی تیاریاں بارے جائزولین خاطر جموں کشمیر غا ضلع اڈھم پور مانہ بکھ بکھ فوجی تربیت غو معائنو کیو۔ حکام غے مطابق اُن نے کل شام مقامی علاقان گو دورو لایو تھو۔ تانجے آئندہ آن آلی امرناتھ یا ترا اور جموں خطہ غی حفاظتی صورتحال غا سلسلہ غی تیاری بارے اندازو لایو جا سکے۔ مذکورہ جنرل افسر اس ویلے جموں کشمیر یوٹی مانہ ہیں

فوج غا بکھ بکھ مقامان تے کوراں غا دورہ ور ہیں جت وے سرحدان ور تعینات حفاظتی دستاں غی کاروائیاں تے حفاظتی صورتحال بارے جانزولے رہیا ہیں۔

Par Proceedings

پا رلیمان غا دوہاں ایواناں غا سانجھا اجلاس سنگ صدر جمہو ریہ دروپدی مُرمو غا خطاب غی اک کاپی اج لوک سبھا مانہہ پیش کی گئی۔ پا رلیمنٹ مانہہ صدر غا خطاب تیں بعد اج پیشی ویلے جد دوہاں ایواناں غی سانجھی بیٹھک شروع ہوئی تہ اس غی کاپی ایوان مانہہ رکھ دتی گئی تھی۔ اس موقع ور لوک سبھا سپیکر اوم برلہ نے اعلان کیو کہ کانگریس جماعت غا رکن پا رلیمان رابل گا ندھی نانہہ لوک سبھا مانہہ حزب اختلاف غا قائد غا طور ور تسلیم کیو گیو ہے۔ اُت راجیہ سبھا مانہہ وی صدر جمہو ریہ غا خطاب غی اک کاپی پہنچائی گئی تھی۔ وزیر اعظم نریندر مودی نے راجیہ سبھا مانہہ نوی تشکیل شدہ کو نسل غا وزیراں بارے تعارف کرایو۔ راجیہ سبھا غا چیرمین جگدیپ دھنکڑ نے مرکزی وزیر جے پی نڈا غو بطور ایوان بالا غا رہنما غا طور ور اعلان کیو۔

Prez Address Opp

حزب اختلاف نے اج پارلیمنٹ غا سانجھا اجلاس مانہہ صدر جمہو ریہ دروپدی مُرمو غا خطاب ور تنقید کی۔ پارلیمنٹ غے باہر ذرائع ابلاغ سنگ گل کرتاں واں کانگریس کا رکن پا رلیمان طارق انور نے کہیو جے خطاب مانہہ حقیقی مسائل بشمول غربت، مہنگائی تے روزگار نانہہ نظر انداز کیو گیو ہے۔ تے صرف سرکار غی کامیابیاں نانہہ اُجاگر کرن ور توجہ دتی گئی ہے۔ اس تیں علاوہ کانگریس لیڈر پرمود تیواری نے کہیو جے اس مکتوب مانہہ کا تے خاص گل نہیں ہے اور نہ ہی نیٹ مانہہ مینہ بے ضابطگیاں غو ذکر کیو ہے۔ سماج وادی پارٹی غا سربراہ اکھلیش یادو نے کہیو جے سرکار گل کرے جے واہ دُنیا غی پنجویں بڑی معیشت بن گئی بیلیکن بڑا پیمانہ ور بے روزگاری تے کساناں نانہہ پریشانیاں غو سامنو ہے۔ اور محض کجھ ہی لوکاں نانہہ فائدو بو رہیو ہے۔ اُنہاں نے اگنی ویر سکیم غا نفاذ ور وی سرکار ور سوال کیو۔ ٹی ایم سی غا رکن پا رلیمان مہو موترانے وی صدر غا خطاب ور سوال چاتاں واں کہیو جے یوہ خطاب صرف اک سرکاری دستاویز ہے۔

PIB Vartlaab

پریس انفارمیشن بیورو نے اج پریس کلب جموں مانہہ میڈیا سنگ منسلک لوکاں واسطے اک واقفیت پروگرام ”منی وارٹلااب“ غو اہتمام کیو۔ اس پروگرام غو مقصد صحافی برادری نانہہ حالیہ متعارف کرایا گیا نواں فوجداری قانون 2023 بارے واقف کرانو تھو۔ جہیڑا 1 جو لائی تیں نافذ ویں گا۔ مہارا نامہ نگار جگموہن شرما غے مطابق ماہرین نے نواں فوجداری قانون غا بکھ بکھ پہلوں ور تفصیلی جانزولیو ہے۔ پریس انفارمیشن بیورو غا ڈائریکٹر غلام عباس نے صحافی برادری غو خیر مقدم کیو۔ جس تیں بعد مذکورہ بیورو گا اک ماہر ڈاکٹر نذیر نے پی پی ٹی پیش کی۔ اس موقع ور رنجیت سنگھ جموال بوراں نے وی وارٹلااب غا پہلا عشرہ مانہہ خطاب کیو۔ ایس پی شمالی جموں شیوم سدھارتھ نے بطور مہمان خصوصی حصولیو۔ اس موقع ور صحافیاں سنگ گل کرتاں واں ایس پی نارتھ شیوم سدھارتھ نے اس طرح کہیو۔۔۔۔۔

New Oath MPs

بہار، جھارکھنڈ تے مدھیہ پردیش غا 6 نو منتخب ارکان پا رلیمان نے اج راجیہ سبھا غا ارکان غی حثیت نال حلف چایو۔ ان نواں ارکان پا رلیمان غی حلف برداری راجیہ سبھا غا چیرمین جگدیپ دھنکڑ نے کرائی۔ مذکورہ نو منتخب ارکان مانہہ کانگریس غا ممبر پا رلیمان اکھلیش پرساد سنگھ، جے ایم ایم غا ممبر پا رلیمان ڈاکٹر سرفراز احمد تے بی جے پی غا پردیپ کمار ورما، بنسی لال گرجر، مایا نارولیا تے بالیوگی اور میشناٹھ نے بطور راجیہ سبھا رکن حلف چایو۔

Advani Discharge

بی جے پی جماعت غا منیا پڑمنیا رہنما لال کرشن ایڈوانی نانہہ اج نوی دہلی غا طبی سائینس بارے ادارہ ایمز وچوں کھرتور دتو گیو ہے۔ وے کل رات اپنی عمر رسیدگی غی وجہ تیں صحت ناساز ہون ور مذکورہ شفاخانہ مانہہ داخل تھ۔ 96 بہراں غا رہنما نانہہ ڈاکٹراں غی نگرانی مانہہ رکھیو گیو تھو۔

یہ خبر تم آکا شوانی جموں تیں سُن رہیا ہیں خبراں غا باقی حصہ نال محمد اکرم چودھری۔

SANJY2024

امرنا تہ یا تریاں گو پہلو جتھو کل جموں تیں کشمیر واسطے روانہ وے گو۔ کیونجے اس سال غی یا ترا 29 جون تیں شروع وے گی۔ یا تری جموں غا بھگوتی نگر یا تری نواس پُجنو شروع ہو گیا ہیں۔ جتوں یہ شمالی کشمیر غا بالتال تے جنوبی کشمیر غا انت ناگ بنیا دی کیمپ در سخت حفاظتی انتظامات غے سنگ روانہ وین گا۔ حکام نے کہیو بے جے یا تریاں غو پہلو جتھو کل سویرے 4 بجے بھگوتی نگر یا تری نواس تیں وادی کشمیر در اک محافظہ قافلہ مانہ روانہ وے گو۔ یوہ قافلہ بار آلے تہاڑے درشن کرے گو۔ تقریباً 300 کلو میٹر لمی جموں سرینگر قومی شاہراہ نانہ محفوظ بنان واسطے سینکڑاں سی آر پی ایف غا اہلکاراں نانہ تعینات کیو گیو بے مزید 85 کلو میٹر لمی سڑک سڑک بالتال بنیا دی تے قاضی گنڈ پہلگام بنیا دی کیمپ ورس سی آر پی ایف غا اہلکار یا تریاں غی حفاظت واسطے تعینات کیا گیا ہیں۔ جہیڑا جے پورا طریق نال حفاظت کر رہیا ہیں۔ حکام نے سرینگر بالتال روڈ ور گا ندر بل ضلع غا منی گام تے قاضی گنڈ پہلگام سڑک ور میر بازار مانہ یا ترا ٹرانزٹ کیمپ قائم کیا ہیں۔ اس سال غی امرنا تہ یا ترا واسطے اس ویلے تک 3 عشاریہ 50 لکھ یا تریاں نے اندراج کرایو بے 125 لنگر دوباں رستاں ور قائم کیا گیا ہیں۔

SMVD Yatra

ماتا ویشنو دیوی یا ترا جہیڑی جے بھارت مانہ سب توں قابلِ احترام یا تراں وچوں اک نے اس سال اک قابلِ ذکر سنگ میل حاصل کیو بے۔ 26 جون تک حیرت انگیز طور ور 50 لکھ تیں زیا دہ عقیدت منداں نے شری ماتا ویشنو دیوی شرائین غا درشن کیا ہیں۔ یا درہ جے اسے ویلا غے دوران سال 2023 مانہ درشن کرن آلا یا تریاں غی تعداد 48 لکھ تیں متی تھی۔ جس غو ریکارڈ دُنیا پھر توں آن آلا یا تریاں نے توڑ دتو بے۔ جموں کشمیر غی ترکوٹہ پہاڑیاں مانہ واقع ماتا ویشنو دیوی شرائین لکھاں بندواں واسطے ڈونگی روحانی اہمیت رکھے۔ مذکورہ سفر نانہ محض اک جسمانی سفر ہی نہیں بلکہ روحانی جستجو غا طور ور وی دیکھیو جائے۔

اس غے نال ہی خبراں غو یوہ بلیٹن ختم ہوؤ۔